

www.BibleForChildren.org

Matyu 26



Ariya Juda
nango yori bati
koba jojomej. Bati
6 amqa brantqas.
Deqa Yesus a tigelosiq
Betani qureq gilej. Qure
di Lasarus agi Yesus na
subq na tigeltej qaji aqa
qure utru. Onaqa Maria
a goreŋ quleq tulaŋ boledamu
silali kobaquja na awaiyej qaji di
jalinaq jigsiqua osi bosiqua Yesus aqa
singaq di bilentosiqua aqa segi gate banga na
piyetej. Onaqa goreŋ aqa quleq na tal keretej.




Onaqa Judas Iskariot a tigelosiq a atra tamo kokba nangoq gilej. Judas a Yesus aqa angro 12 nangi deqaji bei. A nangoq gilsiq minjrej, "E Yesus osiy nungo banq di atqai." Degsi minjrnaqa nangi qusib tulan areboleboleinjrnaqa minjeb, "Ni Yesus osim gago banq di atimqa iga nisilali emqom." Degsib minjnabqa a gilsiq a Yesus osim nango banq di atqajqa gam namoqnej.



Onaqa Yesus aqa angro nangi
qure miligiq aisib anjam kalil
Yesus na minjrej qaji degsib
brantonab dauryosib ingi ingi
kalil gereiyeleneb. Osiqa Yesus
aqa angro nangi koba na ingi
uyoqnsibqa Yesus a Qotei
pailyosiqa bem bei
osiq gingenyosiqa
aqa angro
nangi enjrsiqa
endegsi minjrej,
"Endi ijo jejamu.
Osib uyi."




Osiqa wain osiqa gambanq di
bilentosiq a Qotei pailyosiq aqa
angro nangi enjrsiq minjrej,
"Ningi kalil wain endi uyi.
Endi ijo len. Tamo ungasari
gargekoba nango une
kobotetnjqajqa deqa ijo
len aiqas. Aisim Qotei
aqa anjam bunuj nami
gereiyej qaji
di singilatqas."




Osiqa Yesus a olo marej, "O ijo angro kalil Saimon ombla ningi quiy. Satan na ningi uneq waingwa marqo. Ningi singila na tigelesosib e daurbqab kiyo e uratbosib jaraiqab kiyo di Satan a nungo areqalo tenemosim qalieqajqa deqa ningi uneq waingwa marqo. Agi tamona ningi bem sum ñoqoryoqnsib damu eleñeqnub dego kere.

O Pita, e ni qa gaigai endegsim pailyeqnum, 'O Abu, ni na Pita aqa areqalo singilatetimqa a e uratbqasai.'"



"E ni qa degsim pailyeqnum. Bole, ni mati ulongqam. Ariya bunuqna ni olo are bulyosim ijoq bqam. Bosim ino was nangi singilatnjroqnqam." Onaqa Pita na Yesus minjej, "O Tamo Koba, ni na marimqa aqo ombla tonto talq aisim morenqom. E ulaqasai." Onaqa Yesus na minjej, "O Pita, ni que. Bini tuwe anjamosaisoqnimqa ni gisanjoqalubtosim marqam, 'E Yesus qaliesai.'"



Yesus aqa angro nangi
koba na walwelosib nañu
agu beiq di branteb.
Nañu agu di aqa ñam
Getsemani. Di brantosib
Yesus na aqa angro nangi
minjrej, "Ningi endi
awesoqniy. E kiñala
sasalosiy ijo Abu
pailyosiy bqai." Degsi
minjrsiq a olo kiñala
sasalosiq a mandamq di
ñam quosiq a endegsi
pailyej, "O Aba. (Di Hibiru
anjam. Aqa damu, O Abu.)"



"Gam bei soqnimqa ni na
marimqa gulbe aqa bati
bqo endi e bunbosim
gilem. Ni kumbra kalil
yqa kere. Deqa ni
marimqa gulbe endi
ijoq baiq. Gulbe endi
ya uge uyo bul. Ungum,
ni ijo areqalo dauryaim.
Ni ino segi areqalo
dauryosim ye."




Deqa a na qaja tamo gargekoba nangi wanal ti lam ti sebru ti eleɲonab joqsiqa nañu agu deq gileb. Atra tamo kokba ti Farisi ti nangi na nangi qarɨɲɲrɲab Yesus ojqa gileb. Rom nango qaja tamo qudei dego nangi koba na gileb. Degsi minjsibqa aqa angro bei na aqa sebru osiqa atra tamo gate aqa kangal tamo bei gateq di qalqajqa sebru waiyej grotosiqa dabkala wo segi gentetej. Onaqa Yesus na aqa angro nangi minjrej, "Kumbra degyaib. Uratiy." Degsi minjrsiqa tamo di aqa dabkala ojnaqa olo boleej.



Onaqa nangi Yesus ojsib walwelosib atra tamogate
aqa talq osi gileb. Nangi Yesus osi gileqnabqa
Pita a kiñala isa isaq na
nangi daurnjrsiq gilej.
Gilsiq atra tamogate
aqa tal meq di brantej.
Brantosiq qaja tamogadei nangital meq
di ñam tunguyosib
awesonabqa
bosiq nangikoba na ñam
yoroqnej.



Onaga atra tamo gate
aga kangal tamo bei na
Pita minjej, "E ni kiyo
Yesus ombla nañu aguq
di sonam numonum?"
Tamo di agi Pita na
tamo dabkala gentetej
qaji aga was. Onaga Pita
a olo saidosiq minjej,
"Di e sai." Pita a degsi
gisanoqalubtonaga tuwe
anjamej. Tuwe anjamonaga
Tamo Koba a bulosiq
Pita koqyej.



Juda tamo kokba nangi degsib
marsibqa Yesus osi gilsib Rom
nango gate Pailat aqa ulatamuq
di tigelteb. Onaqa Pailat a nango
anjam di qusiqa Yesus
nenemyej, "Ni Juda
nango Mandor Koba
e?" Onaqa Yesus
na minjej, "Od.

Anjam ni maronum di kere."





Ariya Pailat a Yesus uratim
oqedqajqa are soqnej deqa a na
tamo unggasari nangi olo minjrej,
"Ningi marib e Yesus uratit
gilqas." Onaqa nangi olo
tulan Murqumyoqnsib
wainyoqnsib minjoqneb,
"Ni Yesus urataim. Ni a
namburbasq di qame!

Nia namburbasq di qame!"




Onaqa Pailat a nango areqalo
dauryosiqa Yesus osiq nango banq di
atsiqa minjrej, "Ningi na Yesus osib
namburbasq di qamiy." Pailat a Juda
tamo kokba nangi degsi minjrnaqa qaja
tamo nangi Yesus osib aqa qawarq di
aqa segi namburbas atetosib a ban
ojsib Jerusalem uratosib osi gilsib
sawa agu kiñala bei aqa ñam Tamo
Gate Tanu di branteb.
Ñam di Hibur anjam
na "Golgota"
mareqnub.



Di brantosib Yesus osib namburbasq
di qameb. Tamo aiyel dego
namburbasq di qameleneb.
Yesus a ambleq di
tigeltosib tamo
bei aqa ban
qonangq di
tigelteb. Bei
aqa ban woq
di tigelteb.



Qanam jige sen bati 12 onaga sawa
kalil tulan ambruosi sonaq gilsiq sen
bati 3 onaq bilaqtej. Bati qujai
deqa gara kobaquja atra tal
miligiq di gaignesoqnej qaji
a goge na branosi aisiq
poiyelej. Onaga Yesus
a tulan lelenosiqa marej,
"O Abu, e na ijo qunun
osim ino banq di
atonum." Degsi
marsiqa mondor
titosiq moiyej.



Onaqa bilagtonaqa tamo bei aqa
ñam Josep a Yesus aqa jejamu
osim subq atqa marsiqa
Pailat nenemyqa gilej.
Josep a Juda nango
gate bei. A Arimatea
qure qaji. Aqa
kumbra tulan
boledamu.

Dega tamo
ungasari kalil
nangi a qa
maroqneb,
"A tamo
bolequja."



A endegsi are qaloqnej, "Bunuqna Qotei a bosim gago Mandor Koba sosim iga taqatgwas." A degsi are qaloqnsiq Qotei qa tarinoqnsiq soqnej. A Pailat aqa talq gilsiq aqa areq di tigelej. A qa maroqneb, "A tamo bolequja."

A endegsi are qaloqnej, "Bunuqna Qotei a bosim gago Mandor Koba sosim iga taqatgwas."



Onaqa Josep a gilsiq a gara qat
awaiyosiq a Yesus aqa jejamu
namburbasq dena osiq a gara
qat na dalaosiq osi gilej.

Osi gilsiq a sub bei
nami meniñ miligiq
di gereiyeb

qaji dia atsiqa
meniñ kobaquja
belbeltosiq dena
sub me getentej.



Juda nango yori bati brantqa laqnej
deqa yori bati aqa ingi ingi kalil
gereiyosib atnab soqnej.
Deqa atra tamo kokba ti
Farisi nangi ti Pailat aqa
talq gilsib minjeb,"O
Tamo Koba, Yesus a
gisaj tamo. Deqa a
moiyosaisosiq

endegsi marnaq
iga quem,
'Bati qalub
koboamqa
e olo subq
na tigelqai.'"



A degsi marnaq iga quem. Pailat a
nangi degsi minjrnaqa nangi na qaja
tamo qudei nangi joqsib
gilsib minjreb, "Ningi
na sub me geregere
taqatesoqniy." Degsib
minjrsib meniñ
kobaquja nami sub
Me getentesoqnej
qaji di

olo geregere
singilatosib
sub meq di
saga waiyeb.



Nangi degyeb. Di kiyaga?
Yesus aqa angro nangi
bunuqna bosib saga
olo taqal atqab di tamo
kalil nangi poinjrqas,
Yesus aqa angro
nangi aqa jejamu
bajinonub.



Yori bati koboonaqa nebeonaq
nobqolo ambru Maria Makdala
qure qaji wo Maria bei wo
tigelosib Yesus aqa sub
unqajqa gileb. Nangi
gileqnabqa Tamo
Koba aqa lan angro
bei a lan goge na
aisiqa meniñ

kobaquja sub
me getentesoqnej
qaji di belbeltosiq
qalaq di atsiqa
meniñ quraq di
awesoqnej.



Awesonaga mimiŋ kobaquja dej.
Onaqa qaja tamo sub me
taqatesoqneb qaji nangi na
laŋ angro di unsibqa nangi
tulaŋ ulaugetosib
gindagindanosib
mandamq di

ululonɔsib
tamo moreŋo bul
tindaŋesoqneb.



Onaqa lan angro na una aiyel di
minjrej, "Ningi ulaaib. E qalie,
ningi Yesus hamburbasq di
qameb qaji a qa nameqnub.
A endi sosai. A subq
na tigelqo. Agi a
nami ningi endegsi
merngej, 'E subq
na tigelqai.' Deqa
ningi
aiyel

bosib sub miligi
uniy. A neioteb
qaji lume agi unu."




Onaga unga aiyel di nangi tulan
ulaugeteb. Osib nangi olo
areboleboleinjrej. Deqa nangi
subq dena olo puluosib lan
angro na anjam minjrej qaji
di Yesus aqa angro nangi
minjrqaqa gurgur ti aiyeb.



Aiyeqnabqa gamq di Yesus a
segi nangi aiyel turosiqa
minjrej, "Nobqolo bole."
Degsi minjrnaqa nangi aiyel
aqa areq bosibqa aqa singa
ojsib a binjyeb.





Olo bati bei Yesus aqa angro 11 nangi tal miligiq di awoosib ingi uyeqnabqa Yesus a nangoq di brantej. A nami subq na tigelonaga tamo qudei na unsib nangi sainjrnab qunab ugeinjrej. Nango are getenjresonej. Deqa Yesus a segi nangoq di brantosiqa nangi njirintnjrej. Tamo Koba Yesus na aqa angro nangi degsi minjrnaga Qotei a Yesus lan qureq osi oqsiqa aqa ban woq di awotej.



A endegsi are qalej, 'Tamo ungasari
nangi ijo Angro qa nango areqalo
singilatqab di nangi padalqasai. Nangi
nambile gaigai sqab.' Qotei a degsi
are qalsiq deqa aqa segi Niri
qujai nangi enjrej.



Rom 3:23

Iga kalil une ateqnum deqa iga lan
qureq oqsim dia Qotei itqa keresai.

Rom 6:23

Une na aqa kangal tamonangi awai enjreqnu. Awai
agiende. Nangi moreneqnu. Ariya Qotei na iga ingi
boledamu lana egeqnu. Ingi boledamu di agi iga nambile
gaigai sqom. Nambile di iga gago Tamo Koba Yesus
Kristus aqa wau na oqom.

Hibru 9:27

Iga qalie, tamonangi bati qujai qa moiyeqnu.
Mondonangi Qotei aqa ulatamuq di brantib a
nango une qa nangi peginjqas.



Efesus 2:8,9

Ningi Yesus qa nungo areqalo singilatonabqa Qotei a ningi qa are boleiyej. Aqa kumbra dena a na ningi elenej. Ningi wau bole yonab dena Qotei na ningi elenosai. Qotei a ningi lana elenej awai saiqoji. Od, ningi wau bole yonab dena Qotei na ningi elenosai. Deqa ningi nungo segi ñam soqtqa keresai.

Rom 10:9,10

Deqa ningi nungo medabu waqtosib Yesus a segi qujai Tamo Koba unu degsib boleq di mariy. Osib Qotei a Yesus subq na olo tigeltej anjam di nungo are miligiq di singilatiy. Ningi degyqab di Qotei na ningi elenqas. Gago are miligiq na iga Yesus qa gago areqalo singilateqnum deqa Qotei na iga tamo bole une saiqoji qa mergeqnu. Gago medabu na iga Yesus aqa ñam soqtoqnsim boleq di mareqnum deqa Qotei na iga elenejqnu.



Joh 3:16,17

Qotei aqa Niri qujai unu. Qotei na tamo ungasari kalil mandamq endi unub qaji nangi tulan qalaqalainjrseq deqa aqa segi Niri qujai di nangi enjrej. A endegsi are qalej,

'Tamo ungasari nangi ijo Angro qa nango areqalo singilatqab di nangi padalqasai. Nangi nambile gaigai sqab.' Qotei a degsi are qalsiq deqa aqa segi Niri qujai nangi enjrej. Qotei a tamo ungasari mandamq endi unub qaji nango une qa peginjrqa marsiq aqa Niri qarinyosai.

A nangi elenam nangi padalaib deqa osiq aqa Niri qarinyonaq mandamq aiyej.



1 Joh 5:11-13

Qotei aqa anjam agiende. A na iga nambile gaigai sqajqa marsiq nambile egej. Nambile di Qotei aqa Niri aqaq di unu. Tamo bei a Qotei aqa Niri beteryesqas di a nambile oqas. Ariya tamo bei a Qotei aqa Niri beteryesqasai di a nambile oqasai.

O ijo was, ningi Qotei aqa Niri aqa ñam qa nungo areqalo singilateqnub. E na anjam endi nengrenyosim nungoq qarinyonum. Di kiyaga? Ningi bole qalieqajqa, ningi nambile gaigai sqab.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen.

Anjam Bible (boj) © 2014, Wycliffe Bible Translators,
Inc. All rights reserved

<https://live.bible.is/bible/BOJWBT/MAT/1>

©2024 Bible for Children, Inc.

www.M1914.org

www.bibleforchildren.org

